




1



U Lupu chì avia tante emuzione

Ci era una volta un lupu chì
campava in una bella furesta,
incù tutti i so amichi ingiru à
ellu. Si chjamava Lupu.
Ma stu lupu avia un prublema :
era troppu emutivu.
Felice, ammusciatu, tristu, in
gamba... Scambiava
d'estru à tavulettu !





2

— — — — —  — — — — —

| Tandu, quandu chì Lupu era
| d'estru felice, fischjava, u core
| ligeru, macagnava, parlava
| à l'arburi... Era carcu d'energia
| è d'idee da campassi !
| « Salute à tè Joshua ! Veni à
| caccighjà e farfalle incù mè ? »
| « Eh ! Luiggione ! Chì ne dici
| di scucinà un biscuttone à a
| crema ? »
| Invece, s'è qualcosa u cuntrariava...
| Ah, tandu duvintava azezu,
| schjattava è mandava tuttu u
| mondu à spassu !

— —  — — — — —






3



« Devi amparà à calmatti, Lupu,
li disse un ghjornu Sgiò Ciocciu,
assiccatu. Ci dai a turniola !
- Amparà à calmammi ? Ma
perchè ? Dumandò Lupu.- Sarei
più sirenu, li spiecò Valentinu.
- Più cool, chè ! Aghjustò
Joshua.
Ma ùn t'inchietà, t'avemu da
aiutà : l'intrenamentu Zen
principiarà dumane in casa
meia ! »



4


— — — — — — — — — —
| U lindumane, Lupu fù ind'è u
| s'amicu.
| « S'è tù voli cuntròllà e to
| emuzione, ti tocca à fà u yoga,
| disse Joshua. Rispira pianu pianu,
| è viota u to spiritu. » Joshua li
| mustrava tutte e pusizione : lotus,
| muntagna, ponte... è Lupu a si
| pruvava anch'ellu.
| Chì rise ! Ùn era tantu faciule, ma
| cusì buffunescu !
| Lupu si messe à scaccanà. « Mi si
| pare chì u yoga ùn viaghjarà micca
| per tè », suspirò Joshua.
|
— — — — — — — — — — — — —



5



| Fora di casa, Alfred aspettava à
| Lupu incù impacienza.
| « U megliu per sfucassi, ghjè
| u sport, disse Alfred. T'aghju
| preparatu un parcorsu speciale
| “Lupu azzizzatu” ! Sì prontu ? »
| Alfred filò cum’è una levra.
| Daretu, Lupu curria, saltava, si
| trascinava...
| Alfred si piantò in pede d’un
| arburu tamantone.
| Mughjò « Ci ritrovemu
| quassù ! » è smarì ind’è e
| fronde.





6



Ghjuntu in cima, Lupu fighjò
a tarra bassa è... si ritruvò
incù a gola stretta, u batticore è
a trimulera. « O Alfrè, aghju a
paura ! disse Lupu. Mi n'aghju
da cascà !

- Calmati, o Lù, sò incù tè.
Ci ne avemu da rifalà insieme,
pianu pianu. »

Lupu rispirò à fondu è,
trimulendu, si ne falò.

« Ai vintu a to paura, poi esse
fieru di tè ! » u felicitò Alfred.

Lupu rispose cù un surrisu :
quessa sì, era cusì fieru !



7

— — — — — — — — — —
| « Tuttu què m'hà arrecatu a fame,
| si disse Lupu. Casca bè :
| Luiggione m'aspetta ind'è ellu. »
| E zampe infarinate, Luiggione era
| incù Lupa in cucina.
| « Si campanu insieme, tramindui...
| » pinsò Lupu, ghilosu.
| « Salute o Lù, disse Luiggione,
| oghje priparemu maccaroni.
| Da riesce sti biscotti dilicati,
| bisogna à seguità a sosula un
| passu dopu à l'altru, è esse assai
| paciente. Ghjè un eserciziu chì ti
| farà prò, nè ? »
| Appena intesu què, Lupa si messe
| à ride.
|
— — — — — — —



8

- - - - - - - - - -



| Tandu lupu si messe in zerga
| nera. Duvintò rossu rossu,
| pichjò di pede è schjattò :
| « Eccu, riditevi di mè ! mugħjò
| Lupu, in stizza. Mi n'impippu !
| Di tutte e manere, ùn aghju
| micca a voglia di fà biscotti
| stupidi incù narpie cum'è voi !

| - Aiò o Lù, chì t'accade ?
| » sussurò Lupa, stupita.
| Ma Lupu era digià luntanu,
| burbuttulendu in a so barba è
| dendu zampate à l'arburi.

- - - - - - -



9


— — — — —  — — — — —

| Pocu à pocu, Lupu si messe à
| rallentà, da compie à strascinassi
| cum'è una lumaca, u core pisivu.
| Ingiru à ellu, tuttu era duvintatu
| grisgiu.

| Una lacrima curria nant'à
| a so maschja. « Ùn era bè
| d'annarbassi cusì, nasichjò Lupu.
| Lupa ùn mi tenerà mai più caru.
| Chì disgrazia, sò eiu a narpia ! Chì
| tristezza... »

| « Ma... chì l'accade à u
| m'amicacciu ? » disse tandu
| una voce daretu à ellu. Ghjera
| Damicella Yetì.


|
|
|
|
|
|
|
|
|
| — —  — — — — —



10



Pienghjendu à lacrimera, Lupu
cuntò à a s'amica ciò chì s'era
passatu. Ella, u si strinse contru
à u so pettu po li disse :
« Ciò chì hè fattu hè fattu. Avà,
ti tocca à riparà a to tuntizia !
Và à vede à Lupa è à Luiggione,
è scusati.
Ti sintarei assai megliu dopu.
È s'è Lupa ùn mi vole pardunà ?
dumandò Lupu, inchietu.
– Per riesce bisogna à pruvà,
rispose Damicella Yetì. Alè, vai ! »



11



Tuttu vargugnosu, Lupu si ne vultò
à pichjà à a porta di Luiggione.
« Vi precu u vostru pardonu,
amichi. Ùn pensava manc'appena
ciò ch'aghju dettu. Ùn sò statu
bravu.

– Scuse accittate », surrise Lupa.
Lupu è Lupa si fighjonu, u core
ind'è l'ochji...
« Ah, l'amore... si maravigliò
Luiggione, inteneritu.
À tavulinu, sò pronti i
maccaroni ! »


Lupu sciaccamanò : si sintia ligeru
ligeru. È famitu !



12



U lindumane, Lupu avia un appuntamentu incù Valentinu. Chì l'avia da prupone u s'amicu ? Ghjunghjendu in u spiazzanile, Lupu si piantò, maravigliatu : davanti à ellu s'alzava un casarellu magnificu ! « Laghju custruitu eri, spiecò Valentinu. Avà, tocc'à tè à imaginà u toiu. Inventa, vidarei, face prò ! »



13



— — — — —  — — — — —
|
| Più eccittatu chè mai, Lupu smarì
| ind'è a furesta. Vultò e bracce
| carche di legne è si messe à
| travaglià subitu. Pocu à pocu, apparì
| un casarellu stranu...
| « Mi ferma solu a porta è avaraghju
| compiu ! » annunziò Lupu in fine di
| matinata. Lupu stallò infine a porta,
| ma ùn ci la facia à falla entre.
| A puntò, è **badabù** ! A medità di a
| casa si sfundò ! « Faci e cose troppu
| in furia, o Lù »,
| disse Valentinu, dilusu. Subitu, Lupu
| duvintò rossu rossu, pichjò di pede
| è...
|
— —  — — — — —




14



Rispirò à fondu, si pose in una
pusizione di yoga, è pianu pianu
si messe à travaglià di novu.
Compiu u travagliu, Lupu si
rallegrò, sutfisattu.
« O i m'amichi, aghju compiu !
— Pò ! si stunò Valentinu. U to
casarellu hè magnificu !
— È l'ai compiu senza annarbatti,
aghjustò Sgiò Ciocciu. Bravu, O
lupu !

- Da festighjà tuttu què, v'invitu
tutti à fà a merenda quì nentru,
surrise Lupu.

Entrite puru ! »






15

— — — — —  — — — — —

| Nentru à u casarellu di Lupu,
| ghjera un incantu.
| Sfurtunamente, appena intrati i so
| amichi, si messe à piove...
| « Aprite i paracqua ! urdinò Lupu,
| felice. Avete da vede cum'ellu hè
| bellu ! »
| In una stonda, u casarellu si
| scambiò in un arcubalenu
| tamantone.
| « Tante emuzione ! ciaccamanò
| Valentinu. Caru Lupu, ci ne faci
| vede di tutti i colori, ma hè più
| felice a vita incù tè !
| – Per u nostru amicacciù, lampò
| Sgiò Ciocciu... evviva !
| – Evviva ! »

— —  — — — — —





16



- — — — — — — — — —
- Amorosu
Scatinatu
Sunnione
Spavintatu
Tristu
Tugnu
Fieru
Furiosu
Calmu
Ghjilosu
Cuntentu
Disgustatu
Vergugnosu
Surpresu
- — — — — — —